

蒙兀兒史記

結一宦主人自

題

書

卷九 記 一 官 人 世 理

不忽木列傳第九十六

蒙兀兒史記卷第一百十四

武進屠 寄篲

不忽木其先世爲康里部大人康里卽漢康居遺種也

康居舊傳作高車按漢書無高

車而有康居魏書無康居而有高車其種一也但言漢高車則不詞康里西音如康喀里

祖海藍伯

命名之義爲野鴨

事客列亦部長

土罕王罕亾帥所部西走

走入裏海東北本部族也

成吉思使人招之荅曰昔與君

比肩而事王罕今王罕旣亾欲爲復讎則君乃天命欲改事君則

不忍背故主遂去莫知所終父燕真其第十子也

號牧庵所撰康里魯國安貞公神道碑以爲元子

方六歲爲成吉思所獲賜拖雷妃莎兒合

黑

塔泥撫養之稍長善

爲弓衣性恭謹侍忽必烈汗潛邸配以高麗女金氏名長姬蒙格

汗將伐宋命忽必烈汗居守燕真曰大王威名日盛主上所忌今

乘輿遠駕王獨安居可乎忽必烈汗悟請從征蒙格汗說命帥所

部趨鄂而自將入蜀改命阿里不哥畱守和林蒙格汗晏駕合州

阿里不哥謀自立燕真時以藩邸怯辭長

所謂衛率也

統畱部微覺之乃

奉察必可敦及眞金太子徙帳南牧灤水之陽龍岡之地

其時未建上都忽

必烈汗卽位未及大用而卒。及不忽木貴。推恩贈太傅河南行省左丞相。追封晉國公。謚忠獻。不忽木幼穎異。眉目如畫。給事東宮。年十二。進止詳雅。已如成人。師事贊善王恂。恂從皇太子撫軍稱海。詔不忽木入國學。受業於祭酒許衡。日誦千餘言。衡授徒勤。非旬休不至家。以弟子職教諸生。令直日應門謝客。至不忽木。則持書終日坐門不移。否則擁篲灑埽。褰簾操杖。出必乘馬前導。無馬徒從。循循安之。其敬愛衡猶孝子之事親也。衡深器之。謂其必大用於世。名之曰時用。字之曰用臣。忽必烈汗嘗命國學諸生獻所習字。不忽木時年十六。書貞觀政要數十事以進。汗知其意寓規諷。嘉歎久之。至元十三年。宋平。時大都雖有國學之名。而學宮未建。生徒未廣。不忽木與同舍生堅童句禿忽魯等疏陳前代學制。

其詞曰。古之王者。建國君民。教學爲先。唐虞三代兩漢。尙矣。魏道武起。自朔方既定。中原增置生員三千。儒學以興。誠知所急務也。臣等今復取平南之君。建置學校者。爲陛下陳之。晉武平吳。始建國子學。隋文滅陳。俾國子寺不隸太常。唐高祖梁詔諸郡縣及鄉並置學。及至太宗。數幸國學。增築學舍。至千二百間。國學太學四門學亦增員生。其書算別置博士。乃至高句麗百濟新羅高昌吐蕃諸國酋長。皆遣子弟入學。國學之內。至八千餘人。高宗因之。遂令國子監領六學。一曰國子學。二曰太學。三曰四門學。四曰律學。五曰書學。六曰算學。各置生徒。有差皆承高祖之意也。然

晉之平吳得戶五十二萬而已隋之滅陳得郡縣五百而已唐之滅梁得戶六十餘萬而已其崇重學校已如此況我堂堂大朝奄有江嶺之地許以宋之戶不下千萬此陛下神功前古未有非晉隋唐所敢比也然學校之政尚未全舉臣竊惜之臣等向被聖恩俾習儒學欽惟聖意豈不以諸色人仕宦者常多蒙元人常少而欲臣等曉識國情以任陛下之使令乎然以學制未定朋從數少譬猶責嘉禾於數苗求良驥於同馴恐不易得也爲今之計欲人才眾多通習漢法必如古昔偏立學校然後可若曰未暇宜且於大都弘開國學擇蒙元人年十五以下十歲以上質美者百人百官子弟及凡民子弟俊秀者百人俾廩給有定制選德業醇備足爲師表者充司業博士助教爲之講解經傳授以脩齊治平之道其下復立數科如小學律書算之類每科設教授各以本業訓導或一藝通然後改授或一日之間更次爲之俾國子學官總領其事常加點勘務要俱通仍以義理爲主有餘力聽學文字日月歲時隨其利鈍程其勤惰分上下舍而升降賞罰之假日則聽習射自非假日無故不令出學數年之後上舍生學成由學官保舉蒙元人若何品級諸色人若何仕進其未成者且令補習俟可以從政然後保舉使依例入仕其終不可教者三年聽令出學凡學政因革生員增減不時聞奏則學無敝政而天下之材皆觀感興起乃偏立郡縣學求所以化民成俗無不可者云云

汗覽而善之其後創

立國子學頗采其說十四年除利用少監明年出爲燕南河北道

提刑按察副使時脫虎脫爲怯里馬赤

卽至大間尙書右丞相爲八達汗所誅者

奉旨送西

僧如眞定作佛事箠所過驛吏幾死按察使不敢問不忽木受驛吏狀下僧獄脫虎脫欲出之辭氣悍甚不忽木怒去其帽庭詰之脫虎脫逃歸以聞汗曰不忽木素剛正必爾輩犯法故也已而燕南憲司奏至汗曰吾固知之十九年陞按察使埧州守吏盜官錢特命不忽木越境按之歸報稱旨賜白金千兩鈔五千貫二十一

年召參議中書省事。時盧世榮貢緣桑哥干進。揚言若能用已。可使國賦十倍於舊。汗以問不忽木。對曰。自來聚斂之臣。如桑弘羊。宇文融之徒。操術以蠱時君。當時莫不謂之忠。及其辜稔惡著。國與民俱困。雖悔無及。願毋納其說。汗弗聽。竟拜世榮中書右丞。不忽木遂辭參議不就。不半載。世榮果以辜誅。汗謂不忽木曰。我殊媿卿。除吏部尚書。時方籍阿合馬產。其奴張散札兒等當死。謬言阿合馬家貲隱寄者多。若盡得之。大濟國用。於是鉤考逮繫。延及無辜。京師騷動。汗頗疑之。命丞相安童集六部長貳官議其事。不忽木曰。是奴爲阿合馬爪牙。死有餘辜。彼爲此言。冀苟延歲月。微幸不死耳。可受其誑。嫁禍善良耶。急誅之。則怨謗自息。安童以其言入奏。汗悟。命不忽木鞫之。具得情實。散札兒伏誅。盡釋連逮者。二十三年。改工部尚書。尋調刑部。河東按察使阿哈馬賄權貴。貸官錢。私放羊羔息。至期。抑部民破產償之。事覺。累遣使往按。皆不伏。不忽木往。得其奸贓百餘事。會大同饑。不忽木便宜發倉粟振

之阿哈馬所善幸臣劾不忽木擅發軍儲。又鍛鍊阿哈馬獄。使之誣服。汗曰。使行發粟振飢。一時權官奚臯命逮阿哈馬至京覆讞之。竟伏誅。土土哈求以欽察人被俘爲奴者入軍籍。隸其本衛。而多取編民。中書遣僉省王遇覈之。釐正什六七。土土哈奏遇抗詔專擅。汗怒。欲斬遇。不忽木諫曰。遇以詔放欽察之人。奴爲兵。未聞以編民也。萬一它衛皆倣此例。戶口耗矣。遇忠可旌。而反獲臯。它日誰爲陛下盡職乎。汗意解。遇乃免。二十四年。桑哥憤中書誅盧世榮。乃奏復立尙書省。盡統六曹事。誣殺參政楊居寬郭佑。不忽木力爭。雖不能得。然桑哥深忌之。謂其妻曰。它日籍我家者。必此人也。使西域賈胡僞爲訟冤者。賂不忽木珠一篋。弗受。桑哥計不行。乃以退食不坐曹理事。欲加之。臯不忽木知之。遂乞病假。車駕還自上都。其弟野禮審班侍輦。汗曰。汝兄某日假滿。度當來迎。已而果至。汗見其臞甚。問祿幾何。左右以滿病假者例不給對。汗念其貧。命仍給之。二十七年。起拜翰林學士承旨。知制誥。兼脩國史。

時桑哥蠱國日甚。二十八年春。汗敗於柳林。速古兒赤徹里及野
禮審班乘間發其辜狀。不忽木方奉使燕南。汗亟召詢之。具以實
對。汗始浚意誅桑哥。罷尙書省。復以六部隸中書。欲相不忽木。固
辭。汗曰。朕過聽桑哥。致天下不安。悔之無及。朕識卿童幼。使卿就
學。正備今日之用。何讓爲。對曰。朝廷勳舊齒爵居臣右者正多。今
不次用臣。慮無以服眾。汗曰。然則孰可。對曰。太子詹事完澤可。時
汗春秋高。皇孫鐵穆耳將兵北方。位號未定。不忽木謂相東宮舊
臣。可以杜姦人覬覦。汗默然良久。歎息言曰。卿慮及此。社稷之福
也。據趙孟頫康里公神道碑按位號未定一語足證玉昔帖木兒傳儲闡符璽有歸爲藉端坵會掩飾攘奪適長晉王大統之詞乃拜完澤尙書右丞
相。不忽木平章政事。尙書省罷。改中書平章政事。不忽木議革桑
哥秕政。召用舊臣爲桑哥所貶斥者。尤重文學知名之士。使更相
汲引。布列臺省。桑哥之黨納速刺丁。滅里王巨濟等既伏誅。汗以
忻都善理財。欲貸其死。不忽木爭之。一日中凡七奏。卒正其辜。自
餘隨材擢用。無間人情翕服。上都畱守木八刺沙言。改按察。置廉

訪司不便請罷之。并摭河東憲副賊臯以動上聽。汗責中丞崔彧
彧謝病不知。不忽木斥彧面欺。因極論改置廉訪司之故。且云縱
使河東憲副受賕。臯止其身與天下憲司何與。而欲盡罷之。汗意
乃釋。王師前征交趾。一再失利。至是復謀大舉。不忽木諫曰。島夷
孤遠。臨以天威。寧不震懼。獸窮則鬪。勢使之然。今日燔襲位。若遣
一介之使。諭以禍福。彼必聽命。如或不悛。加兵未晚。汗從之。已而
日燔果遣使詣闕謝臯。補貢前六載方物。汗曰。卿一言之効也。以
其半賜之。不忽木固辭。唯受沈香假山象牙鎮紙水晶筆格數事
而已。或勸征流求。亦諫止之。平章麥朮督丁請復立尙書省。專領
戶工刑三部。不忽木廷詰之曰。阿合馬桑哥身戮家敗。前鑒不遠。
汝奈何又欲效之。麥朮督丁慚沮。或又言京師蒙兀人宜與漢人
間處。以示制防者。不忽木曰。此姦人欲罔市利。借忠言以熒上聽
耳。乃圖城坊蒙兀貴人第宅與民居犬豕相錯之狀。以進。又有請
加江南包銀者。不忽木曰。江南履畝而稅。又輸酒醋課。及它鄉里

門徭

即所謂門攤

水馬驛遞民間負擔已重若復增包銀其何以堪事皆

寢塔刺海求徵理錢穀逋縣省臣請入止之不忽朮曰無庸急之則上必疑有所回護不如聽其所爲彼將自敗未旬月塔刺海果以賄誅或譖完澤徇私汗以詢不忽朮對曰完澤與臣等同待臯中書設有私曲豈得專行臣等雖愚陋然備位宰相人有短之上前者宜使面質明示責降若內畜疑猜非馭下之正軌也言者果屈汗使人批其頰而斥出之是日嚴寒解所御貂裘賜不忽朮汗每稱平章賽典赤伯顏之能不忽朮問故曰彼於蒙格汗時常陰資朕財用卿父所知卿時未生誠不知也不忽朮曰是所謂爲人臣懷二心者今有人以內府財物私結親王陛下以爲何如汗急揮手曰止朕失言三十年十月有星孛於帝坐

本紀是月庚寅彗星入紫微垣抵斗魁光芒長尺許

凡一月有餘乃滅卽此

汗憂之夜坐齋宮召勳貴大臣問以塞天變之道眾退不

忽朮獨畱奏言陛下天之子也父母怒人子不敢疾怨唯起敬起孝而已故易震之象曰君子以恐懼脩省詩曰敬天之怒傳曰遇

災而懼。三代聖王克謹天戒。鮮不有終。漢文之世。同日山崩者二十有九。日食地震。頻歲有之。文帝能戒愼。天亦悔禍。海內乂安。此前代之龜鑑也。臣願陛下法之。因誦文帝二年日食求言詔。汗悚然曰。此言深合朕意。可復誦之。遂詳論赦款。至四鼓乃罷。明日。徹御膳賜之。是冬。汗有疾。不豫。本紀三十一年春正月壬子朔始書帝不豫者爲免朝賀書也。實則是冬已有疾。故事。非

蒙兀勳舊不得入卧內。特敕不忽木侍醫藥。明年正月。汗疾大漸。

與太傅伯顏同受遺詔。畱禁中。

舊傳太傅伯顏上誤衍御史大夫月魯那顏八字。按玉昔帖木兒本傳云。三十年成宗以皇孫撫軍北邊。

王帖木兒輔行閣復撰廣平貞憲王勳德碑同碑又云。鼎湖上仙。公奉鸞馭而南。宗室諸王畢會上都。據此則御史大夫月魯那顏未受忽必烈汗顧命可知。

丞相完澤至

不得入。伺伯顏出。問之曰。我年位俱在不忽木上。國有大事而不

預何也。伯顏歎息曰。使丞相有不忽木識慮。吾輩何至勞苦如是。

完澤不懌。入東宮。言於故皇太子妃闊闊真。可敦。可敦召二人問

之。二人舊傳誤作三人。今改正。

伯顏曰。伯顏舊傳誤作月魯那顏。

臣等受顧命。若有誤國。甘伏明誅。宗

社事大。非宮中所當預也。可敦韙之。遂定大策。其後發引。升耐請

諡。南郊諸典禮。皆不忽木領之。鐵穆耳汗還自金山。執政皆迎於

上都之北。既卽位。完澤常獨對。不忽木至數日。乃得見汗詢知之。慰勞良久。每廷議大事。多采其言。河東路獻嘉禾。完澤欲奏以爲瑞。不忽木故詰獻禾者曰。汝部所產盡然耶。對曰。否。祇此數莖耳。曰。若然。則旣無益於民。何足爲瑞。遂罷遣之。西僧作佛事。釋皐囚以祈福。謂之禿魯麻。豪民犯法者。爭賂之。以求免。有奴殺主妻殺夫。僧請被以帝后御服。乘黃犢車出宮門。釋之。云可得福。不忽木奏言。人倫者。王政之本。風化之基。豈可容其亂法如是。汗責完澤曰。朕戒汝無使不忽木知。今觀其所奏。朕甚媿之。使謂不忽木曰。卿且休矣。朕從卿言。然自是以爲故事。不忽木在中書。遇事持正。人莫能干以私。同僚忌嫉日深。搆於完澤。奏出爲陝西行省平章政事。闊闊眞可敦時已尊爲皇太后。居隆福宮。間之。謂鐵穆耳汗曰。不忽木朝廷正人。先帝所付託。豈可出之於外。汗責完澤面欺命。不忽木復入中書議事。不忽木稱疾不出。元貞二年。召對便殿。鐵穆耳汗曰。朕知卿疾之故。卿不能從人。人亦不能從卿。欲以段

貞代卿何如。對曰。貞實勝臣。乃改拜昭文館大學士。平章軍國重事。辭曰。是職也。本朝唯史天澤嘗居之。臣何敢當。制去重字。大德二年。崔彥卒。特命不忽木行御史中丞事。三年。兼領侍儀司事。久之。完澤知爲同寮所誤。對不忽木引咎自責。至於流涕。然其後完澤卒。以負累間。不忽木在御史臺。以整飭風紀自任。推擇士人有令望者。置之監察御史。及各道廉訪司。患吏不讀書。令通一經一史者。試補爲政務。存大體。按職官犯贓。不施笞責。子不得證父。妻不得證夫。奴不得証主。皆比附經義。改正當時涼法。人稱其平恕焉。海山汗以皇姪出鎮北邊。百官郊餞。皇姪欲與不忽木易騎。示欲爲

安辭不敢。第獻所乘馬。

事在三年秋冬間

皇姪至軍後。遣使還。賜以名鷹。不

忽木體羸多病。四年。遭隆福太后之喪。感平日知遇。哭臨過哀。病遂劇。鐵穆耳汗使其弟薩里都偕尙醫視之。不效。遂卒。年四十有六。不忽木少孤貧。性至孝。躬自爨汲。妻織紉。以養母。奉使還。則母已卒。一慟幾絕。生平被服儒素。不尙華飾。祿賜有餘。散之親舊。明

於知人。哈刺哈孫荅刺罕卽其所薦也。終身服膺許衡之學。先務躬行。而後文藝。居則簡默。及至大廷論事。陳義忼慨。知無不言。每侍忽必烈。汗燕閒。陳說古今治要。汗危坐聽之。忘倦。曰。曩與許仲平論治道。仲平不及卿遠甚。豈仲平有隱於朕耶。抑汝智過於師耶。不忽木皇恐謝曰。先師見理甚明。臣所聞知。何足跂其萬一。第先師起布衣。君臣分嚴。進對有時。言不克究。臣賴先臣餘寵。陛下撫臣兄弟。如家人兒子。朝夕左右。陛下又幸聽芻蕘之言。故所懷得盡耳。忽必烈汗又嘗語之曰。太祖有言。人主理天下。如右手持物。必左手承之。乃固卿實朕之左手也。一日拊髀歎曰。恨天生卿太晚。何不前三十年。及吾未衰而用之。已而謂侍臣曰。吾子孫之福也。臨殂。以白璧遺之。曰。它日持此見朕。及不忽木卒。其家以璧殉葬云。至大中。贈純誠佐理功臣。太傅。開府儀同三司。上柱國。追封魯國公。諡文貞。爰懽帖睦爾汗時。加贈太師。進封東平王。子二曰。回回。曰。嚩嚩。回回字子淵。以大臣子直宿衛。除集賢學士。以

年幼辭。大德初，用薦者言，授朝列大夫、太常少卿，轉太卿，進階嘉議寺改院，爲太常院使。海山汗卽位，以潛邸舊臣，奉使稱旨。時海盜梗漕運，廷議設康里衛鎮海口，擬以回回爲萬戶。回回曰：弭盜在用人，不必設衛分屯，虛糜奉餉。議遂寢。至大初，調大司農卿。會御史臺議選廷臣出使諸道，回回入侍。汗問之，對曰：中臺表也。諸道景也。表正則景正，陛下宜慎選正人，以長中臺。次用剛毅有爲者，以使諸道，則有司知畏法矣。汗曰：卿言得之。卽日除回回山南江北道肅政廉訪使。有婦人以殺夫繫獄，回回疑其枉，復讞之。乃仇家所殺，婦冤立雪。已而爲同列貪墨者所忌，乞病歸。未幾，同列以贓敗。皇慶初，起拜江南行臺治書侍御史。御史大夫鐵古迭兒怙權自尊。鐵古迭兒，大德末中臺御史大夫，封鄆國公。至大三年出爲陝西行臺御史大夫。見武宗紀。其調南臺應，在皇慶延祐間。本紀生載此處，或作鐵木迭兒。按鐵木迭兒從未歷中外臺御史大夫職，定誤。凡議事中丞以下皆侍立，莫敢相可否。回回獨坐與之言。事有不直，必據法折之。鐵古迭兒銜之，比其還朝，八達汗問以行臺臣賢否，遂乘機以不法事誣回回。汗怒，唾其面出之。遣中使

賜回同上尊改淮西江北道肅政廉訪使有從事以受賕被逮累
鞠不服回同一訊吐實曰吾向者不卽服以諸使與我無大相遠
冀遷延幸免耳公至尙何言遂伏其辜再改河北河南道廉訪使
行省丞相也先鐵木兒所爲多不法太尉納麟時爲郎中每格不
下丞相怒欲去之回回察其賢抗疏舉任風憲後歷三臺爲名臣
駙馬平章家奴強市人物此駙馬平章舊傳諱其名似囊加互尙宗室女回回按之無稍貸碩德
八剌汗嗣位丞相拜住首薦爲戶部尙書尋拜南臺侍御史召入
參議中書省事汗憤前相鐵木迭兒舞法未及加誅而死詔法司
追戮其尸回回奏曰斯人元惡寸磔莫贖但春初發育之時不宜
戮一遺骸干天地之和氣汗稱善乃止司徒劉夔以妄獻田地冒
支官錢事見英宗舊紀汗怒欲賜之死回回議臯準枉法論不至死拜住以
其議入奏汗弗聽竟賜夔死而怒猶未已欲究建議者旣而知出
自回回乃釋不問回回入謝汗曰朕雖不用卿言知卿無私也汗
命中書選拔人才拜住使百寮各舉所知有以中使子爲言者回

回曰。君不見左愴。楊復光事乎。上重惜名器。君乃進此輩。何也。拜住叱其人出之。高麗王燾與其從弟瀋王曷不睦。互相讒謔。汗欲廢其國爲郡縣。回回謂拜住曰。高麗自世祖以來。世爲舅甥之國。宜使二王改過自新。不從。然後擇其宗室之賢者立之。拜住偕以入奏。弗聽。叩頭力爭。始寢其事。會日食。汗問故。對曰。今徵賦苛急。勞師邊塞。

時用兵西番參卜郎

無辜殺楊朵兒只。蕭拜住皆足以致天變。唯陛下

下察之。回回性峭直。遇事持正。敢言。無所顧忌。拜住深敬之。謂人曰。吾以非才。致位宰相。每慚見子淵。拜住退朝。執政皆送至私第。回回曰。是詔也。獨不往拜。住益賢之。碩德八剌汗遇弒也。孫鐵木兒汗卽位。客魯漣河。密詔討捕南陂逆賊鐵失等。回回夜至中書。與大臣定計。昧爽。各就其家執之。無脫者。泰定初。贊廷議。奏減海運糧。以紓東南民力。拜太子詹事丞。進階中奉大夫。疏言。太子國家之本。宜擇正人如贊善王恂。諭德劉因者爲輔導。從之。後以病免。起爲山東東西道廉訪使。未上。改拜翰林侍講學士。知制誥。同